

Skipulagsstofnun
Laugavegur 166
105 REYKJAVÍK
Ísland

Reykjavík, 22.12.2016
Tilvísun: 201412-0025/6.01.04

Efni: Metanólverksmiðja CRI í Svartsengi

Vísað er í bréf Skipulagsstofnunar frá 5. desember 2016 þar sem óskað er eftir umsögn Vinnueftirlits ríkisins um mat á umhverfisáhrifum vegna framkvæmda hjá Carbon Recycling International í Svartsengi í Grindavík.

Í frummatsskýrslunni frá nóvember 2016 kemur fram að hámarks magn vetnis verði um 25 kg og metanóls um 50 tonn í starfstöðinni sem er undir þröskulds magni stórslysavarnarskyldu og fellur starfsstöðin því ekki undir reglugerð 160/2007 um stórslysavarnir vegna hættulegra efna.

Fyrirtækið ber að leita umsagnar Vinnueftirlitsins ef til stækkunar kemur.

Virðingarfyllt
f.h. Vinnueftirlitsins,


Sigfus Sigurðsson


Friðrik Danielsson

10. 1612012 - Metanólverksmiðja í Svartsengi: Frummatsskýrsla

Til fundarins var mættur sviðsstjóri skipulags- og umhverfissviðs, Ármann Halldórsson, og kynnti hann málið og svaraði fyrirspurnum.

Aðrir sem til máls tóku: Kristín María, Páll Jóhann, Guðmundur og Marta

Erindi frá skipulagsstofnun lagt fram.

Í erindinu er óskað eftir umsögn Grindavíkurbæjar á frummatsskýrslu vegna mats á umhverfisáhrifum fyrir CRI í Svartsengi. Óskað er eftir því að Grindavíkurbær geri grein fyrir því hvort talið sé að gert sé nægjanlega vel grein fyrir fyrirhugaðri framkvæmd umhverfi og umhverfisáhrifum, mati framkvæmdaaðila á þeim, mótvægisáðgerðum og vöktun. Einnig er óskað eftir upplýsingum hvaða leyfum framkvæmdin er háð skv. 24. gr. reglugerðar nr. 660/2015 um mat á umhverfisáhrifum. Skipulagsnefnd leggur áherslu á að vöktunaráætlanir og mótvægisáðgerðir séu virtar og framkvæmdar. Sveitarfélagið hefur nú þegar veitt byggingarleyfi og framkvæmdaleyfi fyrir framkvæmdinni eins og þeim er lýst í skýrslunni. Allar frekari stækkanir á verksmiðjunni eru háðar byggingarleyfi sbr. lög um mannvirki nr. 160/2010.

Erindinu var vísað til umhverfis- og ferðamálanefndar og bókaði hún eftirfarandi:

Nefndin óskar eftir því að unnið verði að skilgreiningu á eiturefnum í frárennsli frá verksmiðjunni og meðferð á þeim þannig að hægt verði að uppfylla grein 2.8 í starfsleyfi.

Tillaga

Bæjarstjórn tekur undir bókun umhverfis- og ferðamálanefndar og felur bæjarráði að fylgja málinu eftir.
Samþykkt samhljóða

Skipulagsstofnun
Sigurður Ásbjörnsson
Laugavegi 166
150 Reykjavík



Reykjavík 4. janúar 2017
UST201612-084/B.S.
08.09.00

Efni: Mat á umhverfisáhrifum - Metanólverksmiðja í Svartsengi. Umsögn

Vísað er til bréfs Skipulagsstofnunar dags. 5. desember 2016 þar sem óskað er umsagnar Umhverfisstofnunar um mat á umhverfisáhrifum ofangreindrar framkvæmdar.

Um er að ræða stækkun verksmiðju sem starfrækt hefur verið frá árinu 2011. Framleiðsla hefur verið aukin úr 5 tonnum af metanóli á sólarhring í 12 tonn. Hráefni til framleiðslunnar er sem fyrr koldíoxíð sem unnið er úr útblæstri orkuvers HS Orku í Svartsengi.

Verksmiðjan var upphaflega reist á svæði sem raskað var við fyrri framkvæmdir í Svartsengi. Mannvirkjagerð vegna stækkunarinnar er öll innan sama svæðis og viðbót við þau mannvirki sem fyrir voru. Tilraunaframleiðsla nýrrar og stærri verksmiðju hófst 2015 þannig að umhverfisáhrif eru að hluta þegar komin fram.

Fram kemur í frummatsskýrslu að umhverfisáhrif verksmiðjunnar verði jákvæð vegna minni útblástur koldíoxíðs, þrátt fyrir losun lítilræðis af VOC-lofttegundum. Helstu áhrif gætu orðið vegna niðurdælingar frárennslisvatns, en samkvæmt áliti ÍSOR ætti niðurdælingin ekki að hafa áhrif á ferskt grunnvatn ef að dælingunni verði staðið í samræmi við ábendingar ÍSOR.

Að teknu tilliti til ofangreindar atriða telur Umhverfisstofnun ekki líklegt að umrædd framkvæmd muni hafa umtalsverð umhverfisáhrif í för með sér.

Virðingarfyllt

Björn Stefánsson
Sérfræðingur

Aðalbjörg Birna Guttormsdóttir
Teymisstjóri



Tilvísun í mál: 2016120007

Vísað er til bréfs frá Skipulagsstofnun, dags. 6. desember sl., þar sem óskað er eftir umsögn Náttúrufræðistofnunar Íslands um frummatsskýrslu vegna metanólverksmiðju í Svartsengi.

Í ljós hlutverks og starfsemi Náttúrufræðistofnunar og umfangs, eðlis, staðsetningu og þeirra áhrifa sem framangreind metanólverksmiðja er líkleg til aðhafa gerir stofnunin engar athugasemdir við frummatsskýrsluna.

Virðingarfyllt

Trausti Baldursson
Náttúrufræðistofnun Íslands
Icelandic Institute of Natural History
Urriðaholtsstræti 6-8
Pósthólf 125 (P.O. Box 125)
212 Garðabær
Sími/Tele: 590 0500



HEILBRIGÐISEFTIRLIT SUÐURNESJA
SUÐURNES PUBLIC HEALTH AUTHORITY

Keflavík 30. desember 2016
Tilvísun 2016-565/13.4

Skipulagsstofnun
Sigurður Ásbjörnsson
Laugavegi 166
150 Reykjavík

Efni: Umsögn um frummatsskýrslu um metanólverksmiðju í Svartsengi, Grindavík.

Heilbrigðiseftirlit Suðurnesja hefur fjallað um frummatsskýrslu metanólverksmiðju Carbon Recycling International í Svartsengi, Grindavík samkvæmt beiðni Skipulagsstofnunar dags. 5. desember 2016. Embættið gerir ekki athugasemdir við frummatsskýrsluna.

Virðingarfyllt

Magnús H. Guðjónsson
Framkvæmdastjóri



Skipulagsstofnun
Laugavegi 166
105 Reykjavík

Reykjavík 14. desember 2016
Tilvísun: 201612-0050

Efni: Metanólverksmiðja í Svartsengi - beiðni um umsögn

Mannvirkjastofnun hefur, að beiðni yðar í bréfi dags. 05. desember 2016 tilv. 2016100049/5.3 yfirfarið innsenda skýrslu CRI; *Metanólverksmiðja CRI í Svartsengi, Grindavík. Mat á umhverfisáhrifum*, Frummatsskýrsla, dags. í nóvember 2016 að því marki sem slík starfsemi heyrir undir lög nr. 75/2000 um brunavarnir.

Í skýrslunni kemur fram að verksmiðjan notar og framleiðir talsvert magn hættulegra efna sem kalla á umtalsverð sérhæfð viðbrögð af hálfu slökkviliðs þeirra sveitarfélaga bæði á lóð verksmiðjunnar og við flutning á þeim að og frá verksmiðjunni og verður að gera ítarlega grein fyrir slíku í matsskýrslu og áhættumati fyrir starfsemina. Sérstaklega má benda á að ekkert samráð virðist hafa verið haft við Brunavarnir Suðurnesja sem fer með slökkvi- og björgunarstarf á stórum hluta þess svæðis sem flutningar frá verksmiðjunni til höfuðborgarsvæðisins fara um.

Þá kemur einnig fram að framkvæmdum við stækkun verksmiðjunnar virðist vera lokið. Allar breytingar á starfseminni frá fyrri umsögn Mannvirkjastofnunar dags. 18. desember 2014 kalla á endurskoðun á áhættumati og brunahönnun verksmiðjunnar og starfseminnar og má einnig í þessu sambandi benda á ákvæði í 22. gr. laga um brunavarnir.

Virðingarfyllt
f.h. Mannvirkjastofnunar

Guðmundur Gunnarsson,
yfirverkfræðingur